

續修四庫全書

卷之四

四

《續修四庫全書》編纂委員會編

續修四庫全書

上海古籍出版社

一三五四・集部・別集類

天池山人小稿五種〔明〕陸采撰

太山藁一卷

義興藁一卷

壬辰藁一卷

癸巳藁一卷

甲午藁一卷

香宇集三十四卷拾遺一卷〔明〕田藝蘅撰

仲蔚先生集二十四卷附錄一卷〔明〕俞允文撰

兼葭堂稿八卷（存卷一至卷七）〔明〕陸楫撰

徐文長文集三十卷（卷一至卷五）〔明〕徐渭撰〔明〕袁宏道評點 徐文長傳一卷

〔明〕陶望齡撰

一

一

五

九

一六

二二

二九

三三五

五九一

六五三

太山藁

吳郡陸采著

發舟書懷寄義興陳文學兄弟

嬰組非阮徒畢婚豈尚類曰余值休明薄遊聊
娛歲幸弛負薪苦且免秉鋤耒蹇拙既時違昏
痺亦神悖鬱鬱墟里悲遙遙海岳對遂發澄湖
湄慷慨辭朋輩解纜雪濤阻肅舲春焱背凌寒
氣自雄越險志靡悔蓋弭雙河陰策搖孤洞內
摩霄有遐慕俯塵無近愛川停握金膏谷賞紉

太山藁

蘭珮真理儻垂招乘鸞謝人代

觀太湖

觀山已輿升過湖亦舟泊造化諒我縱茲遊分
非薄慨想盤皇代神功復誰鑿蕩日赤錦披韻
風玉笙作四海青茫茫五山紛漠漠滅沒萬峰
巔搖蕩千郭虹橋控天樞水脉聯地絡余來
值澄霽灑酒素情廓吟爲川后招氣與波龍薄
塵空思綸竿陰寒想狐貉偉哉鳴夷游壯矣金
庭樂會窮柳毅宮一燕靈妃藥

贈毘陵王子二首

塵界長懷子晉笙翛然如見羽儀清幽花細草
年華轉結霧疑冰世態輕每憶京華酣綠酒即
愁江海泛浮萍十年潦倒慙冠劍欲裂書囊寫
道經

江上春晴雪水迴片帆吟月下吳臺暫遊喜劇
彈基會欲別其如畫角哀古洞叢蘭情冉冉碧
天高嶽勢嵬嵬明時誰識王公子獨抱淵殊
卧草萊

太山藁

毘陵阻舟

驕陽乾厚上飛楫滯春濠愁似添潘髮囊應欠
呂刀翻疑河伯妬轉見僕夫勞且過同心客忘
情一醉豪

阻雨寶應作

頗怪澄湖雨隨風滴筍蓬送愁迷楚望驚夢失
吳中一劍囊空在孤燈漁自紅紛紛春鴈北無
路覓書筒

下邳書所見

據寧波天一閣博物館藏
明刻本影印原書版框高
一七四毫米寬二五四毫米

天池山人小稿五種

〔明〕陸采撰

細雨朱門冷垂楊古岸陰如何金谷士不解伏

機富室周生為問俗吳農拙悲蘭楚老心乾

坤轉多事搔首發微吟

往歲清河深迅不易犯茲也咫尺可涉

父老云百年未見斯異

浩蕩清淮水涓涓印月流淺應潛介徙明觀錦

鱗游市遠疲深汲灘危畏觸舟馮夷爾何許好

為國租謀

呂梁洪二首

木葉

三

步許隨舟遠看流坐石孤灘喧浣紗女濤逆掠

魚鳬撫蹟懷神鑿呼盧憶壯圖從人問邊信浪

說轉模糊

脉脉穿堤澗林林隔屋山湍高騰石檻舟緩拆

沙灣名利紅塵遠衣琴白日閒險巘余已涉抵

益聲絲斑

寧陽道中

今日寧陽道春晴惱客神軟沙黃拂面密棗紺

連埋迫夜頻催轡愁程數問人新泉一回首無

暇滌綸巾

渾河

歷下群流合沙邊一脉寒塵勞余正渴對此客

襟寬雙濕王睢羽有王睢宿沙上可愛深沾衛蹇鞍奔流

休滯石早濟漕渠乾

八閭

澗澗流清泚山山擁翠屏應為禮樂地偏占乾

坤靈日天煙生紫沙崩棗挂青揚鞭起棲鴿雙

逝遠泠泠

木葉

四

望太山

煙暝依稀見天高突兀開青連齊魯合雄抱海

雲來一豁狂夫目如湔野褐埃明朝禮玄境不

惜路崔嵬

蒿里山

朱廟依巖啓丹幢挿磴飄誰哉名利客過此黯

魂消早悟無生理應聽藏露謠賢愚隨鬼伯余

欲禮王喬

登太山

弱齡寡塵好中歲戀名岳眷言理征騫霄漢果
諧諾側聞天帝孫雄峙齊魯郭岩亭七十峯元
氣互吞薄泥檢祕靈符鼎劑封金藥宮從軒后
開碑自秦皇鑿星河接眉宇暄涼異塵壑聿來
及芳時瑶草相照灼女貞艷脩枚螢芝粲鮮萼
交梨既滌煩石髓亦祛濁杳杳雲璈度一一鸞
歌作忘情綬冕輕恬懷世途惡高登豈云疲暫
息匪爲樂願從王妃後灑掃老煙嘯

秦觀峰

太藁

五

伊昔秦漢初雄都控關要茲峯一以登揚眉發
西笑余本澹蕩人久劉名利調道以潛冥超心
爲玄虛照豈慕文終榮寧同應侯誚慮淡無物
嬰身輕有神約策因芝英披目爲煙巒眺待余
畢五岳卜築枕茲嶠矢詩諒不多聊代蘇門嘯

玉女池嶺頭小坐

翠擁丹披進一觴片雲輕拂短霓裳晴分近甸
千盤路日動遙峯五色光塵界蟻爭真擾擾天
門虎踞自蒼蒼欲持玉女仙潭水一洗江湖萬

慮腸

阻雨

嶽降通宵雨人懷故國愁龍盤千磴滑玉響萬
泉流散霧迷金閣飛雲集翠表休嗟眸際暗吾
得混天遊

黃山道中二絕

昨雨仙宮阻去程錦鞍今踏翠巖行東風不遣
纖塵起應是雲師爲掃清

泰山北來山轉攢瑶空削出萬晴巒輕雲不礙

太藁

六

樵夫路殘雪猶供病衲餐

贈靈巖僧悟聰

住占諸山勝名標一刹雄臘高禪觀習心靜海
天空愛客揮春筇添香續夜坊回輿戀別鶴依
約洞雲江

五花殿

花殿開金地僧傳自魏庭往時窮物力此日尚
丹青巧自諸天授規傳異域形如何洛陽剝銷
滅鬼燈熒

漢栢

獨栢當庭古蒼蒼壽幾千高枝擎日月勁節飽
霜煙鶴駐留天語雲棲伴雪禪精英夜深聚往
徃聽談玄

遊仙三首

明車拂天罡白日駐軒蓋招搖舞青霞芝髓滌
玄薤仙者四五人黃眉笑相避玉虬偃靈風瑤
鞭靜垂帶謂余來何遲羞以盤龍膾雙雙紫駕
驚游戲蓬池內靜婉歌未窮雨師肅歸轡望望

本集

七

紅羽旂追之了無際

天風開素雲晃耀白玉樓琅琅鳴紫琰諸貞集
遨遊清壇靜不諱扶光滿珍裘裊裊雙成隊垂
垂紺鬟頭雲回奏法響拍手笑且謳垢氛良未
盡可斲不可留金霞十萬重隔絕在炎洲歸來
了無言泊泊海東流

瑤枝粲深雪霏霏落香片何許翠羽雙來來自
天畔口銜王公札麝膠秘文篆告余玉期近珠
函籍非賤誤落青海壖天房冷芝薦朗然豁高

懷始悟浮生幻扣頭報璇宮日夕驚車盼珍重
雲松心豈逐塵氊變擾擾世途子誰哉鹿蕉

太山藟終

本集

八

義興藁

吳郡陸采著

宿義興杭氏山亭二首

天淨春林雪舟披暝壑雲岳遊慙尚子榻解得
陳君綺燭亭明翠高談篆燼芬十年麋鹿志曾
否離人羣

愛女高齋月宵分下嶂陰如憐彈鋏客更發擁
鑪吟太古開仙院蔬香清道心撫衾嵐氣濕知
卧萬山深

義興藁

與陳子道成話舊

七年不見元方面芝朮長新鶴轉清白雪自高
千古調玉書猶欠隻鸞迎雪開苑樹枝枝翠雲
近晴窓片片明海泛岳遊同結伴好聯雲駕向
蓬瀛

登黎墨山四絕

千古桃源路自真若爲仙駕阻花津海風忽送
雙鳬遠一踏煙空萬壑春

聞說仙翁跡未刊石林文篆鎖高寒谿邊向人

騰蒼杞天上虹流護赤丹

寒梅未葢茗未芽萬樹殘雪映明霞飄颻一客
青蘿帔盡入山圖未是誇

太湖渺渺接眉端白日蕩蕩開瑤壇呼觴更上
高峯坐百里吳門翠一九

善卷洞

舍舟遵曲塗披柏入長壟紺殿肇有唐蒼碑混
元宋漱崖疊石奇陰壑積雪重洞盤既深深泉
流亦錯綜良由至人隱坤維發神用芝田恒澄

義興藁

二

溢丹鑪久緘封芳春氣彌溫濛密洩雲霧狂探
熄燃燎醉跳驚賓從捫崖丹碧垂聆淙鶴笙共
高揖讓皇人遐想靈仙供徃侶不可招聊爲茲
遊頌

張公洞

吳湖困埃氛久欽張洞奇弭掉升雲頂果諧夙
昔思瑤牒信炳煥丹籙長在茲矯矯羽人近彷彿
吹參差玉乳既滴瀝金芝復歲蕤石瑩膚可
明泉甘體應肥青蘿互掩絡白蝠雙倒垂翩翩

翠羽明灼灼丹葩姿合沓萬狀巧高下千盤危
運目朗情豁息心了忘疲金庭隘未窮華陽卑
靡追豈若茲遊麗宴笑畢芳時菟裘良可卜聊
與山靈期

再賦二首

日自藤邊落人從天竅來磴能容片席泉更滴
深杯逼仄身隨炬攀援指染苔行行欲忘返冥
討海門回

妙匪抒詞贊奇須引客夸樹生無土石巖挂有

義錄

三

名花驟駕歸何早丹經秘未遐仙凡揔蔓草且
吸手中霞

壽銅峯主人十韻

幽居壯碧甍翼帶銅陵澗自朱窓瀉雲從綺
閣興主人逃赤紱石室掩長藤瑶草田長秀靈
砂火自蒸心將仁惠物道以退爲能問竹洲停
枰看花杖引僧仙桃風裊裊壽酒歲仍仍業自
傳經遠鄉同種德稱階前茂珠樹終作紫霄騰

贈陳子思忠

冶遊踏峯頂長揖峯下人冰容穆清風藹意良
可親陳生山澤灑雅懷慕仙真洗耳玉澗泉行
歌古洞春逍遙弄青霞養壽藏其珍我亦志五
歡聊此停孤雲握手不盡意去去平湖濱飛花
三月暮爲憶采芝賓

小峯陳子牡丹館夜集

雨淨丹花麗宵清法曲聞冷泠瀉寒澗靄靄度
春雲銀縷浮魚細金芽散茗芬爾誇陽羨好風
月得余分

義錄

四

不惜金卮溢能聽砌雨殘花深紫絲幙髮不鹿
皮冠按拍珠珠綴鳴箏鴈鴈寒誰招思訓筆染
作絳圖看

再集二首

鳳蠟舒紅粟金尊引綠霞星光晴炫目香氣細
沾花舞脆箏流雪吟高月掩華遊蜂隨處好明
得駐遊車

白日湖中賞紫綃窓下歌春紅牡丹甲風綠簣
簪柯金鑰開圖籍華燈蕩綺羅蘭橈且遲發更

踏洞雲過

西園十韻上雙溪杭先生

綠野開瑤圃平臺枕碧潯卷懷霜府客息駕紫
巖陰石作蓬壺秀魚將海月沉雜花明碎玉好
鳥韻清琴軒冕輕無累圖書靜發吟經綸情暫
歛芝鶴笑相尋且醉新泉酒休聽出塞音蒼生
望霖雨吾意羨雲林亭許隣翁坐杯容野客斟
不妨花月宴歌吹寫幽襟

贈杭州翁生

義舉

五

吳越天開水木清萬松看入碧雲明幽人對酒
一長嘯游女採花三月晴茶竈筆牀元自得藥
囊詩草闢相迎西湖堤柳春爛熳肯繫扁舟聽
早鶯

鴛鴦篇爲蹇母陳氏作

灼灼青芙蓉宛宛雙鴛鴦芙蓉頭本並鴛鴦翼
自雙一朝阻風波孤雄羽毛傷貞雌不遐棄之
死相隨翔矯矯名家女少小聘蹇郎中道嬰疾
膏戚里甘分張聞言恒涕泗義烈激衷腸妾本

女蘿絲附此松栢長松枝忽摧折蘿心豈終忘
忍以纏綿態倏逐春風狂結縈事君子舉按歡
高堂玄髮失所天皎質明秋霜逍遙八十秋見
女粲成行余本感慨徒聽此眉宇揚三復日出
詞載吟栢舟章萬古陽羨月耿耿縣穹蒼頽波
挽西流永垂琬琰芳

蹇八牡丹一花令予嘲之

潤沾春雨一枝寒瑩出仙人顏玉丹倚席橫尊
太天治底須浴下萬花看

義舉

六

牡丹過雨

一天飛雨浥嬌花賸惜春情半委沙應是文姬
斷腸拍淋漓紅淚滴胡笳

贈王生

崔嵬銅陵竒天矯金鵝秀巖垂太古松穴瀉高
天溜王子有遐情雲壑在懷袖吟能招鶴來酒
欲呼仙就石髮香可茹芝隨寒入漱我來屈芳
月藤老蒼龍走嚙花挂珠錯林鳥落文繡展卷
評古昔呼廬洽朋舊去去霖霖微回眸亂峯畫

折桂圖

遙山遙明滅風帆若飛雪貪看青桂華直上房
寒闕

酒邊作

玉樓春酒花撲香踏雨來醉王孫觴塞簾恰對
西山雨款款飛雲接画梁

廣濟庵

湖日披砂錦林花點地金直看明月夜不盡賞
春心歡向客中覓愁還鬢裏侵孤帆蕩歸路指

義集

七一

點洞庭陰

迹爲故人駐遊同好事來鹿馴迎酒盞僧愛掃
花臺湖近窓搖雪歌輕風落梅傳枝休滯掌鼓
吏暗相催

坐中僧以琴至

正愛林下酌忽來空門琴如聞梵天樂一洗塵
界心野客淹日暮湖龍聽宵深知音倘余許與
麝弄清吟

飲福緣寺樓

寺枕瑞雲名秀樓開慈竹齊泉添春茗潔笋膾
玉絲肥清梵三天落銖衣五采飛焚香支卓午
頓醒道心迷

平生山水癖茲賞復冷然僧摘櫻挑出鷹穿芍
藥眠人天隔下界琴竹發清緣更酌山泉釀狂
探醉裏禪

任母吳氏哀詞

早擅姬姜譽親陶詩禮方金貂八座裔琴瑟半
途傷琪樹丰茸發斑袍爛熳芳分九心自苦留

義集

八

悵教彌良花暗清溪渚鳳飛碧篠名地堂年年杜
鵲月紅淚滿蓉裳

少岱谷子觴余吳氏園用杜韻二首

仙吏栽花遍諸生問字遙高筵沾桂醕名苑帶
朱橋談作明珠濺歌流紫鳳嬌勝遊歡既醉海
月已青霄

稷下才名舊吳湖仰止遙天開今夕會梯月步
虹橋麗藻尊前接殘英燭下嬌東山情自切應
復奮雲霄

再用杜韻賦七言一首

繞郭群峯似我迎，草堂深酌燭花明。即看吟筆
掃天趣，已覺陽和滿夜城。坐竹自貪山茗滑，采
真今喜世情輕。青田未許羈孤鶴，結束還爲閩
海行。余有武夷之典故云

花下僧偶至

正對芍藥吟，僧來伴幽獨。却疑諸天花，散作階
頭玉。繁華逝水沈空門，千古心惆悵。風花暮一
尊相對斟。

義興集

九

義興集終

壬辰藁

感事六首

東城有佳人，艷色動隣里。家貧寡脂澤，不爲蕩
子喜。終年守荆扉，空復憐稚齒。煌煌青樓妍
華詠，容比珠綺盛。妖惑車馬日，如市世事誰不
然。美玉淪泥滓，所以抱石翁含悽。自沈水

春風動高林，柔荑夜忽落。客心感盛年，涕下流
丹雘。我心良悠悠，世士恣訾謔。抱玉指明庭，乃
自刖其足。傷哉夷吾子，三戰而三北。不有鮑子

壬辰藁

知鄙行，委泥壑。丈夫未升達，誰辨龍與蠖。

昨夕明月滿，祥光耿中天。朗如我心曲，虛圓本
自然。纖雲一以興，皓魄掩澄鮮。毀譽日相尋，美
行何由全。孔顏賢聖交，掇塵起疑僇。猥被下流
子，情契誠難堅。坦懷保真素，持此對旻天。

有客上我堂，爲我論今昔。感歎物態改，不辨甲
與乙。西隣徒禴祭，窮年守蘿藦。不如東隣叟，殺
牛豐資殖。豈不念聖訓，世路多險棘。茫茫宇宙
間，斯理諒難測。三諷范滂詞，守道俟其畢。

青天流素練浮爇動丹林泉壑多哀音時鳥日夜吟
棲遲守木榻白髮逝已侵庭花不時發恐負懷春心
抱質老墳典况乃霜雪尋起舞鼓瑤瑟鏗轟韻球琳
欲持獻明主天路險且沈回裾阻長轍太息委中林

撫節動幽感臨淵悲素流登高豁予衷驚馬不可輟
撫劒眺八荒萬木何颼颼溪鼠穴下社妖鳥啼高楸得
志徒自驕天心諒難投失馬塞上翁孰知喜與憂懷哉
天際鴻弋人徒爾求

王康華
燈夕辱諸友見過二首

野屋開新歲芳燈動首春晴來車馬客光艷綺羅人
障錦浮霞彩窓紗隱吟親休嗔火樹落桃李漸呈真

中夜添尊賞華時得侶遊笙回火初炙歌罷月西流
鳳蠟香薰幕瑤花碎眩眸何妨催玉漏明發更淹留

春遊虎丘

闌闌東風楊柳柔萬家弦吹水西樓蘭橈夜逐

桃花浪明月歌殘下武丘

虎丘訪客

青林澹孤月扁舟漾迴溪言同二三子携榼躋雲梯
心契冷泉清迹與危峯齊調吟紫霞外歌賞蒼崖西
宵深宿鳥驚坐久晨猿啼遂寐空王閣因之養天倪
聞磬失佳夢睎陽訝程稽餘杯滯深酌繁枝艷柔萸
白日不可留薄暮戀幽棲拂衣九曲岩命駕五畝畦
回瞻同懷客高館臨遙堦探山有深盟廬岩得賢儕
終焉卜菟裘永

王康華

謝塵紛迷

謝黃子勉之佳篇

和焱霽春期放舟弄寒碧欣逢黃叔度忝接紫霞客
玄談灑霏英逸貌潤良璧心疑重塵披目恍流翳
失與子闔堵間邈若千里隔引領濠水清跂足吳雲
白嘉會無物嬰靈交有神錫示我玉函書光華照珍
席章慙王烈昧字匪子雲識朗月爽虛襟旨味醒迷
鬲願言置掌端馨香日披拂我抱三山心子有五嶽
適雲中青童車天

外麻姑宅拂袖歸去來含情別鄉邑

雨中宴沙氏草堂

水碧山容爭林芳花色妍風消統扇力雨滯王
人筵滄海狂吟迹浮雲感慨年邊烽聞轉劇莫
惜酒杯傳

與兄子晦張習之南苑醉中作

野坐邀朋集飛觴待雨來花臨高燭艷歌傍好
懷開蛙得喧清沼螢能點翠苔不須河朔會京
意滿胥臺

壬辰集

四

送荆王長史徐子漸之官

楚山萬里青吳水千古流夫子發蘭棹清光兩
悠悠片帆弄佳月澄華照巾裘把酒嘯長風搖
筆凌滄洲 昭代重賢藩朱邸盛英遊選才得
良佐橫經展鴻猷遐想樽俎間高談亦風流黃
花綢珍苑雕盤進瓊羞犀鶴日夕鳴王露芝英
浮淮南携八公調咲烟霞儔懷賢邈難攀悵望
天南頭飛鴻諒不遠何以慰離憂

席上贈天池山人

王寵

天池山人氣宕奇擊筑同酣湖水湄紫髯灑灑
飲無算白眼茫茫知是誰門對西山霞石爛座
臨秋壑澗花垂呼鷹走馬長千里却憶狂遊白
下時

訓履吉席上見贈

海神最秘珊瑚樹忽見瓊枝墮草堂已喜文園
止消渴肯容小阮發清狂尊邀海日襟情朗掉
入雲溪劍舄香何日吹簫弄湖月扣舷扶醉蒼
滄浪

壬辰集

五

暑中辱勉之過訪雅興不盡乃有金尊
翠管之稱愧荅二詩

柴扃倚蘋渚上客駐蘭舟塵落霞天淨毫飛綵
翠流曲愁周子顧花爲狄公羞知負東山興重
期桂苑秋

沁閣芙蓉月薰巵菰米風佳人不我即清賞與
誰同襟豁青林爽吟高玉宇空好憑朱鳳舞留
醉待山公

宿北山道室

宿昔有遐慕煩情溷貞淳
茲靈蹟地通世塙幽人衝泥策
驚馬祗謁純陽君蕩習爭紛念諧
歡馳栢尊陶然就孤枕如與泉石
隣醒坐明燈側滌手披玄文俯仰
隔海嶽何由覩師真聊以寫我興
鬱抱難具陳

寄胡初晉中

可泉公之子

沁苑秋花映碧林美人天外暢幽襟
已將文史傳清教更踏雲烟結遠尋
麋鹿自甘岩穴卧瑤華真見歲寒心
明光獻賦應騰早佇聽梧岡紫鳳吟

庚葉

六

鳳吟

寄馮豸史二首

抱病秋登海上山美人縹緲五雲間
清時已見高才展古調遙追大曆還
叢桂片鴻驚醉目鳳城驄馬憶冰顏
貞懷知切憂民計好獻丹書扣九關

京華劍佩欣初識吳苑荒苔憶舊遊
入谷啼鶯聊自拙得時猛虎伺人投
青天碧月牽情夢山莊庭花入素秋
想見金門卧方朔酒盃詩草肅

淮流

贈東臯子

茅齋正倚羣峯秀坐見東臯有落花
朗月自將鳴鶴舞輕輶時逐種苗斜
黃榆閤古傳先業丹橘基酣隔世誰
得似鹿門潛父子不須重趼問南華

讀顧五詩有贈兼招看月

垂翅同迴絳闕驂卷懷長卧百花潭
憐余文戰仍三北愛爾詞華逼二南
白首論交還世講千

庚葉

七

年逸調復誰諳晴花好月開雪榻為
聽嵇生醉裡談

贈道士陳鶴臞

秋風弄雲海萬里來仙禽本辭浮丘
伯下邀玉山岑誤落城市間一止歲
月深翛然忘世慮豈受樊籠侵伊人
覽玄易矯然澄冲襟觀物得幽壑養
素窮太陰佐卿一何愚誇形沙苑林
寸矢損貞姿空驚明主心何如守靈
丘不嬰炎池祲俯仰歷萬變飲啄無
滯淫逍遙七千秋更作遼